

ayant esté destruite par le Debordement des eaux qui arriua Iespere quavec la grace de Dieu et les Charitez des perfonnes zelées pour La Conuerfion de ces pauures fauuges nous pourons estre dans quelques temps en estat den drefser vne dvne maniere vn peu plus folide capable de refister a ces facheux accidents, et qui estant mieux ornée leur Inspirera plus de Respect pour les misteres de nostre Religion. le pauure estat dans lequel vous voyez ce papier tout gasté sur lequel ie suis obligé de vous dire Laccident qui nous arriua hier 6. Iuin venant dans nostre nouuel Etablissement po^r. y faire la 1^{re}. Ceremonie de St. francois de sales et pour auertir en mesme temps nos fauuges de ce que leur ordonne Monsieur le General pour ce dispofer tout de bon a la guerre L Accident qui nous arriua hier fut que nostre Canot penfa estre entierement englouty dans le traject d'vn Rapide il fut deux Miserere tout plain deau et quelques Diligence que firent les deux fauuges qui me menoient pour se Ietter a L Eau et Esleuer le Canot en haut, ie croyois que nous le perderions eux ne pouuant pas refister plus Long temps, ie fis dabord vne pauure figure dans le Canot ainfy plain deau car vous scauez que ie ne suis pas fort habile sur L Eau, ie vis a mes costez la pointe d'vne fouche qui paroiffoit a fleur deau, ie tachay de gagner cette pointe tenant ferme vn auiron dont ie me faisfy vn Canot qui nous precedoit faperfeut de ce qui nous venoit darriuer et vint promptement au secours des deux fauuges qui nen pouuoient quasy plus de tenir fy long temps le Canot quilz ne pouuoient vuidier contre la violence du torent quoy quon tira le plus promptement quon peut ma Chapelle et quelque